



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Et Abbatи sancti Vedasti Atrebatensi.

urn:nbn:de:hbz:466:1-20020

cat ecclesiastica libertati, dummodo sine mora & difficultate præstetur, ne provisio vacantis Ecclesie nimium differatur. Et potest intelligi de assentu qui præstatur pro aliqua certa persona in Episcopum eligenda. Et hoc ecclesiastica libertatem impugnat; quoniam electionis perit judicium si eum eligi tantum oporteat quem Rex prius duxerat approbandum. Cum igitur a te sit hujus electionis confirmatio postulanda, fraternitati tuae per apostolica scripta præcipiendo mandamus quatenus tres ad minus Canonicos de iis qui præsentes interfuerunt universo ipsius electionis tractatu tibi facias præsentari, & eos super electionis processu diligenter examines, adjurans illos districte in virtute spiritus sancti sub obedientia debito quo nobis & tibi tenentur ut omni gratia & timore postpositis plenam & meram dicant per omnia veritatem, sub hac ipsa districione injungens per litteras tuas Decano aliquique personis Ecclesiae memoratae ut singuli tibi sub testimonio litterarum suarum plene ac districte referant hujus electionis processum, & si per examinationes hujusmodi electionem ipsam inveneris de persona idonea canonice celebratam, metropolitana illam auctoritate confimes, alioquin ea penitus irritata, veritatem nobis non differas intimare. Circa personam autem electi quedam præsumptiones videntur esse notabiles, videlicet quod cum ipse in curia Regis officium exercuerit Cancellerij, multas litteras sigillaverit de spoliacionibus Clericorum, invasionibus Ecclesiarum, mutilatione membrorum, & aliis abusivis & injuriis multipliciter irrogatis, quod etiam communicaverit illis qui proper expulsionem monachorum Cantuariensis auctoritate nostra sunt excommunicationis vinculo publicè innodati, quodque de carnis incontinentia sit suspectus, cum filias habeat matrimonio copulatas. Quia vero præsumptiones hujusmodi validæ non videntur, cum non solum minores Clerici, verum etiam plures Episcopi sint quorundam Principum Cancelleriarum, quibus tamen non impingitur talis culpa, cum per alios ad hoc etiam deputatos possint hujuscemodi litteræ sigillari, nec facile posset ostendi quod scienter communicaverit excommunicatis in easibus non concessis quodque incontinentia eius sit recens, maximè si parvulum problem non habeat recentis incontinentia sua testem, cum præmissam incontinentiam vel excusare conjugium vel poenitentia po-

Tom. II.

tuerit abolere, satis eas poteris pertransire, si non appareat coram te qui velit illas sufficienter opponere ac probare. Illud autem est æquanimiter tolerandum, si forte Lincolnense Capitulum præfatum Archidiacorum sponte ad preces Regis elegit. Ne vero Ecclesiarum substantiam occasione filiarum ipsius deperire contingat, astringi poterit ad indemnitatē earum per idoneam cautionem. Datum Viterbij

xii. Kal. Iulij, anno duodecimo,

*EPISCOPO ET ABBATI
sancti Vedasti Atrebatensis.*

CVM ad nostrum exequendum man-
datum, maximè pro ecclesiastica li-
bertate, promptos vos & paratos esse cre-
damus, discretionem vestram rogandam
duximus & monendam, per apostolica vo-
bis scripta præcipiendo mandantes quatenus
cum requisiti fueritis à venerabili fra-
tre nostro Stephano Cantuariensi Archie-
piscopo S. R. E. Cardinali, excommunica-
tionis sententiam in Iohannem Regem
Anglorum, assistentibus vobis venerabili-
bus fratribus nostris Londoniensi, Heliensi,
& Wigorniensi Episcopis, vel saltem
duobus ex ipsis, secundum formam litté-
rarum quas illis direximus, publicè ac so-
lemniter proferatis. Quod si non ambo
&c. alter vestrum &c. Datum ut in alia per
totum.

*Epiſt. 17.
De excommu-
nicatione Re-
gis Anglie.*

R Equisisti de his quæ testator pro ani-
ma sua legat in ultima voluntate,
qualiter sint inter Episcopum & Ecclesias
dividenda. Et quidem regulariter verum
est &c. ut supra lib. xi. epist. CCLXII. us-
que ad hec verba, patrocini non debet.
Datum Viterbij 111. Kal. Iulij, anno duo-
cimo.

Epiſt. 18.

*ABBATI SANCTÆ
Trinitatis de Maloleone.*

S IGNIFICasti nobis per litteras tuas quod
cum quidam maleficus ingressus Ec-
clesiam de Bleiseio, Dei timore posthabi-
to, eucharistiam cum ornamentis alta-
rium & librī ecclesiasticis extra ipsam Ec-
clesiā imoportasset, dilectus filius Lauren-
tius Presbyter lator præsentium Ecclesie
tuæ regularis Canonicus, quem in præfa-
ta Ecclesia de Bleiseio institueras Capel-
lanum, præfatum iniquitatis filium fosso-
rio arrepto percussit; sed si ad mortem
fuerit iactus hujusmodi, tu & ipse penitus
ignoratis. Cum autem parochiani Eccl-
esiæ memoratae viderent prædictum male-

*Epiſt. 19.
Irregularē
eße qui alium
lethaliter per-
cūlit.
Cap. Signifi-
cāti. De ho-
mīcidio.*

T t ij